

Broj: 02-05-12401-6/17
Sarajevo, 30.03.2017. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo na **78.** sjednici održanoj **30.03.2017.** godine, donijela je slijedeći

Z A K L J U Č A K

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za period februar 2017. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.
3. Vlada Kantona Sarajevo sugeriše Ministarstvu unutrašnjih poslova Kantona Sarajevo – Upravi policije sljedeće:
 - da pojača aktivnosti u smislu zaustavljanja problema pojave "trkača motornih vozila", a posebno trke motociklima koje su uočene na ulicama u Kantonu Sarajevo;
 - da pruže pomoć aktivnostima Ministarstvu saobraćaja na suzbijanju pojave nelegalnih taxi prijevoznika;
 - daje se podrška aktivnostima nabavke pancirnih prsluka i druge opreme radi dodatnog osposobljavanja policijskih službenika, koji su u vršenju svojih poslova izloženi određenim rizicima;
 - daje se podrška aktivnostima postavljanja kamara na izlazima iz Kantona Sarajevo, a koje će doprinjeti u poboljšanju borbe protiv krađe motornih vozila u Kantonu Sarajevo.

P R E M I J E R

Elmedin Konaković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Ministarstvu unutrašnjih poslova Kantona Sarajevo – Uprava policije
6. Evidencija
7. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
S A R A J E V O

INFORMACIJA

O STANJU KRIMINALITETA, JAVNOG REDA I MIRA I SIGURNOSTI SAOBRAĆAJA NA
PODRUČJU KANTONA SARAJEVO ZA PERIOD FEBRUAR 2017. GODINE

1.KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu Februaru 2017. godine, na području Kantona Sarajevo registrovano je 355 krivičnih djela¹ što je za 76 ili 17,6% manje u odnosu na isti mjesec prethodne godine.

Od ukupnog broja registrovanih krivičnih djela, 138 ili 38,9% izvršeno je od strane poznatih, a 217 ili 61,1% od strane nepoznatih izvršilaca.

Za 109 djela ili 50,2% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 64 krivična djela iz izvještajnog, a 45 iz ranijeg perioda.

Iz naprijed navedenog proizilazi da su službenici Uprave policije MUP-a KS u mjesecu Februaru 2017. godine za ukupno 247 krivičnih djela ili 69,6%, identificirali osumnjičene izvršioce, što je za 6,5% veća rasvjetljenost u odnosu na isti mjesec prethodne godine.

Osnovni statistički pokazatelji kriminaliteta u mjesecu Februaru 2017/16. godine

mjesec	Broj KD			Broj djela za koja su naknadno identifikovani osumnjičeni izvršioci		Broj prijavljenih lica			Lišeno slobode	
	Ukupno	od toga				Ukupno	od toga			
		po poznatom izvršiocu	po NN izvršiocu	Ukupno	od toga iz ranijeg perioda		maloljetnici	povratnici		
FEBRUAR 2017.	355	138	217	109	45	192	4	115	75	
FEBRUAR 2016.	431	146	285	126	41	190	11	117	87	
uporedba	-76	-8	-68	-17	4	2	-7	-2	-12	
	-17,6%	-5,5%	-23,9%	-13,5%	9,8%	1,1%	-63,6%	-1,7%	-13,8%	

Zbog postojanja osnova sumnje da su počinili krivična djela prijavljena su 192 lica (dva više), od čega je 115 povratnika (dva manje) u izvršenju krivičnih djela (ili 59,9% od ukupnog broja prijavljenih lica), četiri maloljetnika (sedam manje), a 75 lica je lišeno slobode (12 manje).


¹U izvještajnom mjesecu Uprava policije MUP KS je nadležnim tužilaštima proslijedila na odluku putem administrativnog djelovodnika ukupno 127 obavijesti (171 manje) o dogadajima u kojima je pričinjena neznatna materijalna šteta.

Pregled kriminaliteta na području Kantona Sarajevo u mjesecu Februaru 2017/16. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	Februar 2017.	Februar 2016.	uporedba		rasvj. Februar 2017.	
			+/-	%	broj kd	%
ŽIVOTA I TIJELA	18	17	1	5,9%	17	94,4%
SLOBODE I PRAVA ČOVJEKA I GRAĐANINA	14	14	0	isto	13	92,9%
BRAKA, PORODICE I MLADEŽI	17	22	-5	-22,7%	17	100%
ZDRAVLJA LJUDI	33	22	11	50%	33	100%
KRIVIČNA DJELA IZ OBLASTI POREZA	0	1	-1	----	0	---
IMOVINE	231	305	-74	-24,3%	130	56,3%
OKOLIŠA	0	2	-2	---	0	---
OPĆE SIGURNOSTI LJUDI I IMOVINE	8	12	-4	-33,3%	3	37,5%
SIGURNOSTI JAVNOG PROMETA	8	4	4	100%	8	100%
PRAVOSUĐA	1	2	-1	-50%	1	100%
JAVNOG REDA I PRAVNOG PROMETA	22	23	-1	-4,3%	22	100%
PRIVREDE I JEDINSTVA TRŽIŠTA TE KD IZ OBLASTI CARINA (KZBiH)	1	1	0	isto	1	100%
ZONDINOIM-a (Sl.novine KS br.38/07)	2	6	-4	-66,7%	2	100%
UKUPNO	355	431	-76	-17,6%	247	69,6%

U mjesecu Februaru 2017. godine u odnosu na isti mjesec prethodne godine, zabilježeno je značajno smanjenje broja registrovanih krivičnih djela za 76 ili 17,6%. Smanjenje je zabilježeno u oblastima protiv imovine (za 74 djela), braka, porodice i mladeži (za pet), opće sigurnosti ljudi i imovine (za četiri), djela regulisanih Zakonom o nabavljanju, držanju i nošenju oružja i municije (za četiri), itd. dok je povećanje evidentirano u oblastima protiv zdravlja ljudi (za 11 djela), sigurnosti javnog prometa (za četiri) i života i tijela (za jedno djelo).

Grafički prikaz broja registrovanih i rasvjetljenih krivičnih djela po Policijskim upravama MUP-a KS



Pregled registrovanih krivičnih djela na području Kantona Sarajevo u mjesecu Februaru 2017. godine

ČLAN	KZ	Naziv člana	UKUPNO	KD ²	NN	NI
				355	217	109
166	FBiH	UBISTVO		1	0	0
166/28	FBiH	UBISTVO U POKUŠAJU		1	0	0
172	FBiH	TEŠKA TJELESNA OZLJEDA		11	2	1
173	FBiH	LAHKА TJELESNA OZLJEDA		5	3	3
183	FBiH	UGROŽAVANJE SIGURNOSTI		14	2	1
222	FBiH	NASILJE U PORODICI		17	0	0
238	FBiH	NEOVLAŠCENA PROIZVODNJA I STAVLJANJE U PROMET OPOJNIH DROGA		2	0	0
239	FBiH	POSJEDOVANJE I OMOGUCAVANJE UŽIVANJA OPOJNIH DROGA		31	0	0
286	FBiH	KRAĐA		35	32	23
286/28	FBiH	KRAĐA U POKUŠAJU		1	1	1
287	FBiH	TEŠKA KRAĐA st 1.tačka a)		121	117	42
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN		6	6	8
287/28	FBiH	TEŠKA KRAĐA U POKUŠAJU		3	3	3
288	FBiH	RAZBOJNIČKA KRAĐA		0	0	2
289	FBiH	RAZBOJNIŠTVO		38	35	19
289/28	FBiH	RAZBOJNIŠTVO U POKUŠAJU		3	3	1
290	FBiH	UTAJA		9	3	1
293	FBiH	OŠTECENJE TUDE STVARI		9	1	1
294	FBiH	OŠTECENJE TUDE STVARI		2	1	0
300	FBiH	PRIKRIVANJE		4	1	1
323	FBiH	IZAZIVANJE OPCE OPASNOSTI		7	5	0
327	FBiH	NESAVJESNO ČUVANJE PASA I DRUGIH OPASNHIH ŽIVOTINJA		1	0	0
333	FBiH	UGROŽAVANJE JAVNOG PROMETA ZBOG OMAMLJENOSTI		1	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA		7	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA		1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI		6	0	0
362	FBiH	NASILNICKO PONAŠANJE		12	2	2
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJA		3	0	0
373	FBiH	KRIVOTVORENJE ISPRAVE		1	0	0
205 BH	BH	KRIVOTVORENJE NOVCA		1	0	0
Zakon o nabavljanju, držanju i nošenju oružja i municije (Sl. novine KS br. 38/07)				2	0	0

2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

Tokom mjeseca Februara 2017. godine u ovoj oblasti evidentirano je 18 krivičnih djela (jedno više u odnosu na Februar 2016. godine) i to: ubistvo - jedno djelo (nije bilo ubistava u uporednom mjesecu), ubistvo u pokušaju – jedno djelo (isto), teška tjelesna ozljeda – 11 (dva više) i lahka tjelesna ozljeda – pet djela (tri više).

Ukupno je rasvijetljeno 17 djela (za sada je nerasvijetljeno jedno djelo teških tjelesnih ozljeda), a zbog postojanja osnova sumnje da su ih počinili, nadležnom tužilaštву podneseni su službeni izvještaji protiv 21-nog lica, od kojih je 14 povratnika ili 66,7%, a deset je lišeno slobode.

² KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršioci

Dana, 01.02.2017. godine, oko 18,30 sati u ulici Trg međunarodnog prijateljstva, općina Novi Grad, P.F. i H. I. su nakon kraće prepirke, hicima iz vatre nog oružja – pištolja i ubodom nožem lišili života H.D. Zbog postojanja osnova sumnje da su počinili krivično djelo iz člana 166. KZ FBiH-a (UBISTVO) imenovani su lišeni slobode i uz službeni izvještaj predati nadležnom tužilaštvu.

Dana, 08.02.2016. godine, oko 04,00 sati u ulici Odobašina, općina Centar Č. J. je nakon kraće prepirke hicima iz vatre nog oružja - pištolja nanio teške tjelesne ozljede opasne po život B. E. Zbog postojanja osnova sumnje da je počinio krivično djelo iz člana 166. u vezi sa članom 28. KZ FBiH-a (Ubistvo u pokušaju) isti je lišen slobode i uz službeni izvještaj predat nadležnom tužilaštvu.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 14 krivičnih djela (isti broj djela) - ugrožavanje sigurnosti, za čije izvršenje je prijavljeno 17 lica od kojih je sedam povratnika, a jedno je lišeno slobode.

Krivična djela ugrožavanja sigurnosti evidentirana su na području sljedećih općina: Novo Sarajevo - pet, Novi Grad, Hadžići i Vogošća - po dva, itd., a počinjena su upućivanjem verbalnih prijetnji, neposredno ili putem telefona, pisanjem poruka prijetećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 17 djela (pet manje) - nasilja u porodici, a zbog postojanja osnova sumnje da su ih počinili prijavljeno je 16 lica, od čega je devet povratnika (ili 56,3%), a 12 je lišeno slobode.

Ova krivična djela evidentirana su na području općina: Novi Grad – pet, Centar - četiri, Novo Sarajevo, Ilidža i Vogošća - po dva djela, itd.

1.2.4. KRIVIČNA DJELA PROTIV ZDRAVLJA LJUDI

Prijavljena su 33 krivična djela iz oblasti protiv zdravlja ljudi (11 više) i to:

- neovlašćena proizvodnja i stavljanje u promet opojnih droga (čl. 238. KZ FBiH) – dva,
- posjedovanje i omogućavanje uživanja opojnih droga (čl. 239. KZ FBiH) – 31-no djelo.

Zbog postojanja osnova sumnje da su počinili navedena djela podneseni su službeni izvještaji protiv 32 lica, a 17 je lišeno slobode.

Policjski službenici Uprave policije su Kantonalnom tužilaštvu Sarajevo podnijeli službeni izvještaje protiv K.A. i Š.H. zbog postojanja osnova sumnje da su u proteklom periodu u više navrata kupovali opojnu drogu „Marihanu“ od za sada nepoznatih lica, istu prepakivali, a zatim vršili prodaju raznim konzumentima na području Kantona čime bi imenovani počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 30 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, “Heroin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

-Pregled oduzete količine opojnih droga u mjesecu Februaru 2017/16. godine

VRSTA OPOJNE DROGE	FEBRUAR 2017. GODINE	FEBRUAR 2016. GODINE
Marihuana (paketiči)	12	17
Marihuana (u gramima)	5073,33	96
Marihuana (Joint)	2	---
Heroin (paketiči)	6	4
Amfetamin (u gramima)	100	30
Amfetamin (paketiči)	6	8
Ecstasy (tablete)	24	---
Cannabis (sjemenke)	1 paketić	3
Pribor sa ostacima droge	1	2

1.2.5. KRIVIČNA DJELA PROTIV IMOVINE

U izvještajnom mjesecu, registrovano je 231-no krivično djelo protiv imovine, što je za 74 djela ili 24,3% manje u odnosu na uporedni mjesec. Među djelima iz ove oblasti najbrojnije su: teške krađe – 127 djela (72 manje), zatim razbojništvo – 38 (14 manje), krađe – 35 (osam više), oštećenje tuđe stvari – devet (dva manje), prikrivanje - četiri (isto), teška krađa u pokušaju – tri (dva manje), itd.

Za ukupno 130 ovih djela ili 56,3% identifikovan je osumnjičeni izvršilac što je za 6,5% veća rasvijetljenost imovinskih delikata u odnosu na uporedni mjesec.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i "provale" u ista) - 50 slučaja (41 manje), zatim slijede stambeni objekti - 56 (jedno manje), poslovni prostori - 15 (24 manje), itd.

Na području Kantona Sarajevo u mjesecu Februaru ove godine izvršeno je 31-no krivično djela teških krađa motornih vozila od čega su četiri ili 12,9% pronađena i vraćena vlasnicima (od strane policije MUP-a KS vraćena su dva vozila i vlasnici su sami pronašli – dva vozila).

Broj teških krađa motornih vozila, značajno je smanjen i to za 42 vozila ili 58%.

Pregled broja otuđenih i vraćenih putničkih motornih vozila na području Kantona Sarajevo
po policijskim upravama u mjesecu Februaru 2017. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih pmv	7	8	12	4	0	31
broj vraćenih pmv	0	2	1	1	0	4
% vraćenih pmv	0%	25%	8,3%	25%	0%	12,9%

Zbog postojanja osnova sumnje da su učestvovali u otuđenju motornih vozila nadležnom tužilaštvu podneseni su službeni izvještaji protiv dva lica (dva manje).

Pregled broja otuđenih motornih vozila na području Kantona Sarajevo
po policijskim upravama u mjesecu Februaru 2017/16. godine

POLICIJSKA UPRAVA	I PU	II PU	III PU	IV PU	V PU	UKUPNO
BROJ OTUĐENIH VOZILA– FEBRUAR 2017.GODINE	7	8	12	4	0	31
BROJ OTUĐENIH VOZILA– FEBRUAR 2016.GODINE	22	13	24	12	2	73
UPOREDBA FEBRUAR 2017/16. GODINE	+,-	-15	-5	-12	-8	-42
	%	-68%	-38%	-50%	-67%	-58%

Prijavljeno je 35 krivičnih djela krađe (osam više), koje su izvršene deset puta u vozilima i na stajalištima GRAS-a, sedam puta u poslovnim prostorijama, šest u stambenim objektima, devet puta na ulici, itd. odakle su otuđivani novčanici, tehnička roba, garederoba, alat, ogrijevno drvo, auto dijelovi, prehrabeni proizvodi, itd.


U mjesecu Februaru 2017. godine, registrovano je 38 krivičnih djela razbojništva (14 manje), od čega su za 22 djela ili 57,9% identifikovani osumnjičeni izvršioci što je za 2,1% više u odnosu na uporedni mjesec.

Razbojništva su evidentirana na području općina: Novo Sarajevo – 15 (dva više), Ilički – 10 (tri više), Novi Grad – osam (jedno više), Centar – tri (devet manje) i Stari Grad - dva (sedam manje).

Ova djela izvršena su prijetnjom upotrebe vatrene oružja - 18 puta, prijetnjom upotrebe noža ili drugog oštrog predmeta – devet i upotrebom fizičke snage – 11 puta, a počinjena su u prodavnicama – 17 puta, na ulici osam, u apotekama - sedam, sportskim kladionicama – četiri, itd. Otuđivan je novac, nakit, mobiteli, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv deset lica, povratnika u činjenju krivičnih djela, a pet je lišeno slobode.


Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS



Evidentirano je šest krivičnih djela teških krađa na naročito opasan ili naročito drzak način (četiri manje), u kojima su izvršioci, upotrebom fizičke snage – četiri puta, te verbalnom prijetnjom u dva slučaja, otimali novac i mobitele. Sva ova djela izvršena su na ulici.

Ukupno je rasvijetljeno osam ovih djela od čega je šest iz ranijeg perioda, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv dva lica, povratnika u činjenju krivičnih djela, koja su lišena slobode.

**Grafički prikaz broja registrovanih krivičnih djela iz člana 287.st (1) tačka b) KZFBiH (teška krada na naročito opasan ili naročito drzak način)
po policijskim upravama MUP-a KS**



1.2.6. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je osam djela (četiri manje) i to: - izazivanje opće opasnosti - sedam i nesavjesno čuvanje pasa i drugih opasnih životinja - jedno djelo, a zbog postojanja osnova sumnje da su počinili ova djela nadležnom tužilaštву podneseni su službeni izvještaji protiv četiri lica od kojih su dva povratnika u činjenju krivičnih djela.


Krivična djela izazivanja opće opasnosti izvršena su šest puta na otvorenom prostoru i jedno u stambenom objektu. U dva slučaja pucano je iz vatre nog oružja i pet puta je otvorenim plamenom izazvan požar. Posljedica izvršenja navedenih djela je nastala materijalna šteta i uznenirenost građana.

1.2.7. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovana su 22 krivična djela (jedno manje) i to: nasilničko ponašanje – 12, napad na službenu osobu u vršenju poslova sigurnosti - šest, nedozvoljeno držanje oružja ili eksplozivnih materija - tri i krivotvorene isprave – jedno djelo.

Zbog postojanja osnova sumnje da su počinili navedena krivična djela, nadležnom tužilaštву podneseni su službeni izvještaji protiv 28 lica, od kojih je 16 povratnika (57,1%), a deset je lišeno slobode.


Grafički prikaz broja registrovanih krivičnih djela iz člana 362 KZFBiH
(nasilničko ponašanje) po policijskim upravama MUP-a KS



1.3. KRIVIČNA DJELA POČINJENA OD STRANE MALOLJETNIH LICA

U toku mjeseca Februara 2017. godine, policijski službenici su nadležnom tužilaštvo podnijeli službene izvještaje protiv četiri maloljetna lica zbog postojanja osnova sumnje da su izvršili dva krivična djela. U odnosu na isti mjesec 2016. godine, broj maloljetnih učinilaca krivičnih djela smanjen je za sedam (ili 63,6%), dok je broj krivičnih djela za koja su prijavljeni maloljetnici smanjen za 13 (ili 86,6%). Prijavljeni maloljetni učinioци su u dobi između 14 i 16 godina.

Grafički prikaz broja krivičnih djela izvršenih od strane maloljetnih lica u Februaru 2017./2016. godine, po organizacionim jedinicama



Krivična djela koja su počinili maloljetnici su teška krađa i ugrožavanje sigurnosti po jedno djelo.

Struktura krivičnih djela izvršenih od strane maloljetnih lica u Februaru 2017/2016. godine

KRIVIČNA DJELA	Februar 2017.	Februar 2016.	+ - %
Teška tjelesna povreda		1	-1
Ugrožavanje sigurnosti	1		+1
Nasilje u porodici		1	-1
Razbojništvo		1	-1
Teška krađa	1	9	-8 ili 88,8%
Pokušaj teške krađe		1	-1
Krađa		1	-1
Izazivanje opće opasnosti		1	-1
UKUPNO	2	15	-13 ili 86,6%

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca Februara 2017. godine nije bilo evidentiranih slučajeva aktiviranja minsko-explozivnih sredstava, a u istom mjesecu 2016. godine jedan slučaj.

U proteklom mjesecu nije bilo registrovanih anonimnih dojava o postavljenoj eksplozivnoj napravi, kao i u istom mjesecu 2016. godine.

1.4.2. POŽARI

Tokom mjeseca Februara 2017. godine, na području Kantona Sarajevo registrirano je 14 požara (dva manje), u kojima su tri lica poginula.

Požari su registrovani na području općina: Novi Grad – pet, Novo Sarajevo, Hadžići i Vogošća – po dva požara, Stari Grad, Centar i Ilidža – po jedan požar.

Prema statističkim pokazateljima, sedam požara je izazvano namjerno, dva zbog tehničkih nedostataka, jedan je prouzrokovao nehatom, dok uzroci četiri požara spadaju u kategoriju ostalih.

Zbog postojanja osnova sumnje da je izvršeno krivično djelo izazivanja opće opasnosti iz člana 323 KZ F BiH, nadležnom tužilaštvu je podneseno pet službenih izvještaja.

1.4.3. SAMOUBISTVA

U mjesecu Februaru 2017. godine registrirana su tri samoubistva (dva više), na području općine Novi Grad, izvršena na sljedeće načine: vješanjem, skokom sa visine i strujnim udarom. Počinici su muškarci starosne dobi: 22, 49 i 88 godina.

1.4.4. OSTALE AKTIVNOSTI

U izvještajnom mjesecu, pripadnici policije su u sklopu operativnih aktivnosti izvršili pregled 75 lica, 22 stana, izvršili utvrđivanje identiteta za 37 lica i lišili slobode sedam lica za kojima je bila raspisana potjernica. Takođe, pružene su 22 asistencije i to na zahtjev državnih organa 19, a po zahtjevu organa i organizacija javnih ovlašćenja – tri asistencije.

U cilju dokumentovanja krivičnih djela i identifikacije izvršilaca, izvršeno je 266 uviđaja, pronađeno i obrađeno 825 tragova, u 278 slučaju fotografisano je lice mjesta, 23 puta je skicirano, izvršeno 121-no vještačenje i daktiloskopirano 25 lica.

U okviru potražne djelatnosti raspisano je 14 potjernica po naredbama sudova Kantona Sarajevo, a sedam je obustavljeno (iz izvještajnog i ranijeg perioda). Takođe, zaprimljeno je sedam prijava o nestalim licima, a šest je obustavljeno.

U okviru depešnog saobraćaja predato je 2.409 depeša, primljene 4.762, zatim tranzitirano 861, dok je za područje RS-a i Granične policije faksom predato 95 depeša, što ukupno iznosi 8.127 obrađenih i razmjenjenih depeša.

Za potrebe tužilaštva i drugih nadležnih organa izvršeno je 2.915 provjera iz službenih evidencija, na zahtjev građana izdato 536 uvjerenja o njihovoј osuđivanosti ili neosuđivanosti, sačinjeno 28 rješenja o brisanju osuda iz evidencija u nadležnosti ministarstva, otvoreno 77 novih dosja i evidentirano 311 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

2. JAVNI RED I MIR


Zbog prekršaja kojima se narušava javni red i mir, policijski službenici su u toku mjeseca Februara 2017. godine, protiv učinilaca preduzeli ukupno 308 prekršajnih sankcija (nalog - 241, zahtjeva - 67), što u odnosu na mjesec Februar 2016. godine predstavlja smanjenje za 252 ili 45%.

Prekršajne sankcije preduzete su protiv 321-nog lica, što u odnosu na isti mjesec 2016. godine predstavlja smanjenje za 259 ili 44,6%. Među učiniocima prekršaja iz oblasti javnog reda i mira, 43 su povratnika u izvršenju ovih prekršaja, a jedan maloljetnik, dok su prema starosnoj strukturi učinilaca prekršaja najbrojniji oni preko 36 godina (171), zatim između 26 i 35 godina (94) i između 19 i 25 godina (52).

Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira – 273 (ili 88,6%), dok je zbog prekršaja utvrđenih Odlukom općinskih vijeća o javnom redu i miru preduzeto 35 prekršajnih sankcija (ili 11,3%).


Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih lica (kao ni u uporednom mjesecu), dok je lakše povrijeđeno 16 lica (četiri ili 33,3% više).

Grafički prikaz broja prekršajnih sankcija preduzetih u toku mjeseca Februara 2017. godine, po policijskim upravama (i Jedinica za saobraćaj)



Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (155 ili 50,3% od ukupnog broja), a znatno manje ostale policijske uprave: Druga PU - 74 ili 24%, Treća PU - 23 ili 7,4%, Četvrta PU - 28 ili 9%, te Peta PU - 17 ili 5,5%. Policijski službenici Jedinice za saobraćaj su uručili 11 prekršajnih naloga iz oblasti javnog reda i mira.

Najveći broj prekršajnih sankcija koje su preduzele policijske stanice Stari Grad i Novo Sarajevo odnosi se na prekršaje učinjene prosjačenjem, koje je najizraženije upravo na području ove dvije općine. Naime, zbog ovog prekršaja, Prva policijska uprava preduzela je 92, a Druga policijska uprava 39 prekršajnih sankcija.



Smanjenje broja prekršajnih sankcija, u odnosu na mjesec Februar 2016. godine, imale su policijske stanice:

- Stari Grad (za 28 ili 23,3%);
- Centar (za 175 ili 73,5%);
- Novo Sarajevo (za 45 ili 36,7%);
- Novi Grad (za 15 ili 39,4%) i
- Hadžići (za 4 ili 30,7%).

Povećanje broja prekršajnih sankcija imale su policijske stanice:

- Ilidža (za 1 ili 5,8%) i
- Vogošća (za 8 ili 133,3%).

Policjsko odjeljenje Trnovo imalo je povećanje broja sankcija za jedan, dok je Jedinica za saobraćaj MUP-a KS imala povećanje za tri, a Policijska stanica Ilijaš imala je isti broj prekršajnih sankcija u odnosu na isti mjesec 2016. godine - tri.

Tabelarni pregled strukture prekršaja iz oblasti javnog reda i mira
za mjesec Februar 2017./2016.godina

PREKRŠAJI IZ ZAKONA O JRIM:	FEBRUAR 2017.	FEBRUAR 2016.	+ - %
-Tuče	32	30	+2 ili 6,6%
-Naročito drsko ponašanje	27	23	+4 ili 17,3%
-Odbijanje naređenja i omalovaž. pol. služb.	21	63	-42 ili 66,6%
-Prosjačenje	145	367	-222 ili 60,4%
-Svada, vika, nepristojno ponašanje	16	4	+12 ili 300%
-Paljenje petardi	0	0	0
-Uživanje opojne drogena javnom mjestu	0	0	0
-Ostali prekršaji iz Zakona o JRiM	32	32	isto
Prekršaji prema Odluci općinskog vijeća o JRiM	35	41	-6 ili 14,6%
ukupno	308	560	-252 ili 45%

U strukturi prekršaja **najbrojniji** su prekršaji učinjeni **prosjaćenjem (145 ili 47,1%)**, zatim tučama (32 ili 10,3%), naročito drskim ponašanjem (27 ili 8,7%), te odbijanjem naređenja i omalovažavanjem policijskih službenika (21 ili 6,8%). Prekršajne sankcije su preduzete i zbog prekršaja učinjenih svađom, vikom i nepristojnim ponašanjem (16), dok se 32 sankcije odnose na ostale prekršaje. Zbog prekršaja koji su utvrđeni Odlukom općinskih vijeća o javnom redu i miru preduzeto je 35 prekršajnih sankcija.

U odnosu na isti mjesec 2016. godine, u proteklom mjesecu smanjen je broj prekršajnih sankcija zbog prekršaja učinjenih odbijanjem naređenja i omalovažavanjem policijskih službenika, prosjačenjem, a smanjen je i broj prekršaja koji su regulisani Odlukom općinskih vijeća o javnom redu i miru. U proteklom mjesecu došlo je do povećanja broja prekršaja učinjenih tučama, naročito drskim ponašanjem, svađom, vikom i nepristojnim ponašanjem.

Najveći broj prekršajnih sankcija preduzet je zbog prekršaja izvršenih na ulici i na drugim otvorenim prostorima (261 ili 87,4%), a znatno manje zbog prekršaja učinjenih u ugostiteljskim objektima (27 ili 8,7%), trgovinskim i zanatskim radnjama (3), školama i školskim dvorištima (1), te na ostalim mjestima (16).

Tabelarni pregled broja prekršajnih sankcija u Februaru 2017./2016. godine, prema mjestu izvršenja

MJESTO IZVRŠENJA	FEBRUAR 2017.	FEBRUAR 2016.	+ - %
Ugostiteljski objekti	27	19	+8 ili 42,1%
Ulice i drugi otvoreni prostori	261	517	-256 ili 49,5%
Sportski stadioni	0	6	-6 ili 100%
Škole i školska dvorišta	1	2	-1 ili 50%
Trgovine i zanatske radnje	3	1	+2 ili 200%
Vozila javnog saobraćaja	0	1	-1 ili 100%
Ostala mjesta	16	14	+2 ili 14,2%
UKUPNO	308	560	-252 ili 45%

U odnosu na isti mjesec 2016. godine, u proteklom mjesecu smanjen je broj prekršaja izvršenih na ulici i drugim otvorenim prostorima, sportskim stadionima, školama i školskim dvorištima i vozilima javnog saobraćaja, dok je u ugostiteljskim objektima, trgovinskim radnjama i na ostalim mjestima, došlo do povećanja tog broja.

U proteklom mjesecu podnesena su tri službena izvještaja nadležnom tužilaštvu zbog krivičnog djela izvršenog u školi i školskom dvorištu (u istom mjesecu 2016. godine jedno djelo) i to zbog krivičnog djela nasilje u porodici - jedno i ugrožavanje sigurnosti – dva djela.

U toku mjeseca Februara 2017. godine, policijski službenici bili su angažovani na osiguranju 144 javna skupa koji su održani na području Kantona Sarajevo (42 više) i tim povodom preduzimane su odgovarajuće planske aktivnosti na njihovom bezbjednom odvijanju. Takođe, u 10 slučajeva izvršeno je KDZ osiguranje ovih skupova (25 manje u odnosu na isti mjesec 2016. godine).

3. SAOBRAĆAJ

Tokom mjeseca Februara 2017. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda, nezgoda sa materijalnom štetom i nastrandalim licima, te broja nastrandalih lica.

Evidentirane su 702 saobraćajne nezgode (81 ili 10,3 % manje), 664 sa materijalnom štetom (51 ili 7,1 % manje) i 38 sa nastrandalim licima (30 ili 44,1 % manje).

U naselju je registrovana 661 saobraćajna nezgoda (32 sa povrijeđenim licima i 629 sa materijalnom štetom), van naselja 41 nezgoda (šest sa povrijeđenim licima i 35 sa materijalnom štetom).

Uporedni pokazatelji saobraćajnih nezgoda i posljedica na području Kantona Sarajevo
za mjesec Februar 2017./2016. godina

	Feb. 2017.	Feb. 2016.	+, -, %
UKUPNO SAOBRAĆAJNIH NEZGODA	702	783	- 81 ili 10,3 %
Saobraćajne nezgode sa nastrandalim licima	38	68	- 30 ili 44,1 %
Saobraćajne nezgode sa materijalnom štetom	664	715	- 51 ili 7,1 %
POGINULO LICA	0	2	- 2
- vozači	0	0	-----
- putnici	0	0	-----
- pješaci	0	2	- 2
POVRIJEĐENO LICA	53	92	- 39 ili 42,4 %
- vozači	18	48	-30 ili 62,5 %
- putnici	17	23	- 6 ili 26,1 %
- pješaci	18	21	- 3 ili 14,3 %

Najveći broj saobraćajnih nezgoda evidentiran je na području općina: Novi Grad (175) i Centar (147). Najveće povećanje broja saobraćajnih nezgoda u odnosu na uporedni mjesec registrovano je na području općine Stari Grad (za 14 ili 19,7 %), a smanjenje na području općine Centar (za 47 ili 24,2 %).

Tabelarni pregled broja saobraćajnih nezgoda po općinama
za mjesec Februar 2017./2016. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Iličići	Hadžići	Trnovo	Vogošća	Ilijaš	
2017.	85	147	94	175	122	18	2	39	20	702
2016.	71	194	122	170	138	25	1	38	24	783
+,-,%	+ 14 ili 19,7 %	- 47 ili 24,2 %	- 28 ili 22,9 %	+ 5 ili 2,9 %	- 16 ili 11,6 %	- 7 ili 28 %	+ 1 ili 100 %	+ 1 ili 100 %	- 4 ili 16,7 %	- 81 ili 10,3 %

3.1. POSLJEDICE SAOBRAĆAJNIH NEZGODA

Tokom mjeseca Februara 2017. godine, u saobraćajnim nezgodama na području Kantona Sarajevo 53 lica su povrijedjena (39 ili 42,4 % manje u odnosu na isti mjesec prošle godine), 11 teže i 42 lakše. Poginula lica nisu evidentirana (u istom mjesecu prošle godine poginula su dva pješaka).

Među povrijedjenim licima evidentirano je:

- 18 vozača (30 manje)
- 17 putnika (šest manje)
- 18 pješaka (tri manje)

Broj nastrandalih lica u saobraćajnim nezgodama po kategoriji učesnika
za mjesec Februar 2017./2016. godina

	POGINULI			TEŠKO POVRIJEĐENI			LAKŠE POVRIJEĐENI		
	Feb. 17.	Feb. 16.	+,-,%	Feb. 17.	Feb. 16.	+,-,%	Feb. 17.	Feb. 16.	+,-,%
VOZAČI	0	0	-----	2	9	- 7 ili 77,8%	16	39	- 23 ili 59 %
PUTNICI	0	0	-----	4	1	+ 3 ili 300 %	13	22	- 9 ili 40,9 %
PJEŠACI	0	2	- 2	5	7	- 2 ili 28,6 %	13	14	- 1 ili 7,1 %
UKUPNO	0	2	- 2	11	17	- 6 ili 35,3 %	42	75	- 33 ili 44 %

Kada je u pitanju stepen povreda, dva vozača su teže, a 16 lakše povrijedjeno, četiri putnika su teže, a 13 lakše povrijedjeno, dok je pet pješaka teže, a 13 lakše povrijedjeno.

Najveći broj povrijedjenih lica registrovan je na području općine Ilijadža – devet lakše povrijedjenih lica.

Starosna struktura lica povrijedjenih u saobraćajnim nezgodama je sljedeća: od 51 do 65 godina – 14 lica, od 25 do 30 godina – 11 lica, 66 i više godina – šest lica, od 21 do 24 godine – pet lica, itd.

Posljedice saobraćajnih nezgoda po policijskim upravama/stanicama za mjesec Februar 2017./2016. godina

policijска uprava	policijска stanica/odjeljenje	broj poginulih lica			broj teže povrijedjenih lica			broj lakše povrijedjenih lica		
		Feb. 2017.	Feb. 2016.	uporedba	Feb. 2017.	Feb. 2016.	uporedba	Feb. 2017.	Feb. 2016.	uporedba
I PU	Stari grad	0	0	-----	4	1	+ 3 ili 300 %	3	5	- 2 ili 40 %
	Centar	0	0	-----	3	1	+ 2 ili 200 %	4	12	- 8 ili 66,7 %
II PU	Novo Sarajevo	0	0	-----	0	3	- 3	4	10	- 6 ili 60 %
III PU	Novi Grad	0	1	- 1	0	3	- 3	8	13	- 5 ili 38,5 %
IV PU	Ilijadža	0	1	- 1	0	3	- 3	9	8	+ 1 ili 12,5 %
	Hadžići	0	0	0	3	2	+ 1 ili 50 %	4	13	- 9 ili 69,2 %
	Trnovo	0	0	0	0	0	----	1	0	+ 1
V PU	Vogošća	0	0	0	0	3	- 3	8	9	- 1 ili 11,1 %
	Ilijas	0	0	0	1	1	isto	1	5	- 4 ili 80 %
UKUPNO		0	2	- 2	11	17	- 6 ili 35,3 %	42	75	- 33 ili 44 %

3.2. UZROCI SAOBRAĆAJNIH NEZGODA

Osim ostalih uzroka (ukupno 589) koji su za posljedicu imali 31 povrijedeno lice, najčešći uzroci saobraćajnih nezgoda tokom mjeseca Februara 2017. godine bili su: neprilagođena brzina – 101 (18 lica povrijedeno) i uticaj alkohola – 12 (četiri lica povrijedena).

Evidentirane su dvije saobraćajne nezgode (jedna manje) u kojima su učestvovali pripadnici MUP-a Kantona Sarajevo. U navedenim saobraćajnim nezgodama nije bilo nastrandalih lica. Takođe, evidentirana je jedna nezgoda u kojoj je učestvovao pripadnik Oružanih snaga BiH i jedna nezgoda u kojoj je učestvovao pripadnik SIPE (bez nastrandalih lica).

Evidentirano je 17 saobraćajnih nezgoda (šest manje) u kojima su učestvovali inostrani vozači i jedna nezgoda (tri manje) sa vozilom međunarodne organizacije.

3.3 AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec Februar 2017./2016. godina

	Januar 2017./2016.	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2017	20.647	4679	1.828	3.505	3.619	2.156	4860
	2016	24.365	5.566	3.827	3.163	3.675	1.883	6.251
broj uručenih prekršajnih naloga	2017	15.168	4.223	1.695	1.358	1.101	612	6.179
	2016	20.342	5.352	3.665	1.234	1.176	676	8.239
broj zahtjeva za p.p.p.	2017	45	0	0	26	8	5	6
	2016	73	3	5	27	30	7	1
broj isključenih vozila iz saobraćaja zbog tehničke neispravnosti	2017	39	0	2	0	0	0	37
	2016	85	0	8	0	0	0	77
broj vozača zatečenih da upravljaju vozilom pod dejstvom alkohola	2017	205	58	23	20	27	17	60
	2016	530	187	35	34	36	59	179
broj vozača zatečenih da upravljaju vozilom bez korištenja sig. pojasa	2017	750	147	114	79	60	54	296
	2016	550	224	45	131	82	68	0
broj vozača zatečenih da upravljaju vozilom bez položenog vozačkog ispita	2017	66	16	9	7	8	7	19
	2016	238	91	28	23	13	20	63
broj vozača zatečenih da upravljaju vozilom pod izrečenom zaštitnom mj.	2017	2	0	0	0	2	0	0
	2016	0	0	0	0	0	0	0
broj vozila otkrivenih da učestvuju u saobraćaju bez važeće registracije	2017	92	8	5	5	30	11	33
	2016	261	67	31	20	35	31	77

Tokom mjeseca Februara 2017. godine, zbog tehničke neispravnosti iz saobraćaja je isključeno 39 vozila (46 manje), 205 vozača je zatečeno da upravljaju vozilom pod dejstvom alkohola (325 manje), 750 bez korištenja sigurnosnog pojasa (200 više), 66 bez položenog vozačkog ispita (172 manje), dok su 92 vozača učestvovala u saobraćaju bez važeće registracije (169 manje).

Zbog kršenja propisa iz oblasti sigurnosti saobraćaja uručeno je 15.168 prekršajnih naloga vozačima (5.174 manje u odnosu na februar prošle godine) i podneseno 45 zahtjeva za pokretanje prekršajnog postupka (28 manje). Evidentirano je osam krivičnih djela zbog ugrožavanja sigurnosti javnog prometa (četiri više).

3.4. MIRUJUĆI SAOBRAĆAJ I KONTROLA PJEŠAKA

Policjski službenici su i tokom mjeseca Februara 2017. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 6.997 prekršajnih naloga (1.643 manje), upozorenje je 468 vozača (dva mnaje), a specijalnim vozilom "pauk" premješteno je 167 vozila (78 manje).

3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Centar – 1.976, zatim: Starog Grada- 1.861, Novog Sarajeva – 983, Novog Grada – 741, Iličića – 498, Hadžića – 88, Vogošće – 86, Ilijaša – 30.

Službenici Jedinice za saobraćaj uručili su 734 prekršajna naloga vozačima.

Takođe, pješacima koji su kršili propise uručen je 371 prekršajni nalog (39 više), a upozorenje je 149 pješaka (75 više).

4. ZAKONITOST U RADU

Tokom mjeseca Februara 2017. godine, registrovano je šest napada na policijske službenike (tri više): Četvrta PU – tri, Prva, Druga i Peta PU – po jedan napad. U napadima je učestvovalo sedam punoljetnih lica koja su lišena slobode.

Policjski službenici su tokom mjeseca Februara tekuće godine u osam slučajeva (četiri više) opravdano upotrijebili silu:

- fizičku snagu i sredstva za vezivanje – osam puta
Druga PU (PS Novo Sarajevo) - četiri puta
Prva PU (PS Centar) – dva puta
Jedinica za specijalističku podršku – jednom
Peta PU (PS Vogošća) - jednom

Tokom mjeseca februara 2017. godine, razmatrano je 15 predstavki na rad službenika policije među kojima je za sedam predstavki data saglasnost za sprovođenje unutrašnjih istraga, dok je za osam predstavki donesen zaključak da su neosnovane.

Postupano je po 10 predstavki iz ranijeg perioda, tako da je razmatrano ukupno 17 predstavki.

Okončano je pet unutrašnjih istraga, među kojima su dvije osnovane, dvije neosnovane, dok u jednom slučaju nije bilo dovoljno dokaza.

4.1. PRAVNA REGULATIVA

- Jedinici za profesionalne standarde je dostavljen Prijedlog Generalnog plana rada za 2017. godinu, kojeg je na osnovu depeše Ureda policijskog komesara sačinilo Odjeljenje za razvoj načela i zaštitu tajnih podataka.

- Odjeljenju za inspekciju, koordinaciju i usmjeravanje je ispred Jedinice za profesionalne standarde dostavljen odgovor u vezi Nacrta Zakona o uređenju saobraćaja na području Kantona Sarajevo.

- Sektoru uniformisane policije je dostavljen odgovor u vezi Prijedloga liste roba posebne namjene, koji je iniciralo Ministarstvo vanjske trgovine i ekonomskih odnosa BiH.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE

U mjesecu Februaru ove godine evidentirana su dva djela regulisanih ZONDINOiM-om (četiri manje) počinjenih od strane tri lica, povratnika u činjenju krivičnih djela.

U sklopu aktivnosti na oduzimanju nelegalno posjedovanog oružja i drugih predmeta oduzeto je: sedam pištolja, tri puške, 15 „noževa, mačeva, sablji i sl.“, 122 komada municije raznog kalibra, itd.

Fizičkim licima izdato je 76 odobrenje za nabavku vatrengor urožja (pet više) i 109 oružnih listova (4 manje).

6. RAD POLICIJE U ZAJEDNICI

U okviru rada policije u zajednici, policijski službenici MUP-a Kantona Sarajevo su tokom mjeseca Februara 2017. godine preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, nevladinim organizacijama, raznim udruženjima građana, predstavnicima vjerskih zajednica, školama, i dr.

U toku izvještajnog mjeseca obavljane su brojne aktivnosti i pripreme, te održana nastava iz oblasti "Rad policije u zajednici" u okviru "permanente obuke" za policijske službenike.

Dana 06.02.2017. godine održan radno-konsultativni sastanak sa predstavnicima Visokog sudskog i tužilkačkog vijeća BiH u vezi projekta pod nazivom "Edukacija učenika osnovnih škola u cilju povećanja svjesnosti djece da se nezakonito ponašanje ne isplati".

Uzeto učešće predstavnika uprave policije MUP-a KS u u realizaciji projekta "Spasilački list za vozilo i vozača" u organizaciji BIHAMK-a,

Dana 15.02.2017. godine održan radno-konsultativni sastanak sa predstavnicima "Via Kult Office" u cilju bolje organizacije ovogodišnjeg KIDS Festivala,

Dana 22.02.2017. godine službenici Uprave policije prisustvovali obilježavanju Međunarodnog dana prevencije vršnjačkog nasilja u školama pod nazivom "dan ružičastih manica", itd.